

نور کیا بیوک ملت مجلسی

ضبط

اوتوز آلتجی اجتماع

مندرجات

ھیئت وکیلہ نیک انتخابی ایچون رأی استحصالی
اوراق وارده
ھیئت وکیلہ انتخابیک نتیجہ سی
بعض ذواتک مأذونیتہ دائر دیوان ریاست قراوی

برنجی جلسہ

رئیس : رئیس ثانی دو قنور عدنان بک افندی
کاتب : ضیاخووشید بک (لازستان)
۱۹ مایس ۳۲۷ - پنجشنبہ - ساعت ۲ سوکرہ

شرعیہ وکالی : (مصطفیٰ فہمی افندی بروسیہ)
حاجی توفیق افندی (کنگری) ، حسین حسنی افندی
(اسکدار) .

مدافعہ ملیہ وکالی : فوزی پاشا (قوزان) ، کاظم
قرہ بکر پاشا (ادرنہ) ، رأفت پاشا (ازمیر) .
نافعہ وکالی : عمر لطفی بک (آماسیہ) ، احسان بک
(جبل برکت) .

عدلیہ وکالی : رفیق شوکت بک (صاروخان) ،
عبدالله عزمی افندی (اسکیشہر) ، حافظ محمد بک
(طرزون) .

معارف وکالی : حمدالله صبیحی بک (انطالیہ) ، حمدی بک
(جانیک) ، ولی بک (بور دور) .

رئیس — جلسہ بی آچورم . ضبط سابق اوقونہ جق
(ضیاخووشید بک طرفندن ضبط سابق خلاصہ سی
قرائت ایدلدی)

ضبط حقنہ سوز ایستہ بن واری افندی ؟ (خابر
سلسلری) (ضبط قبول ایدلدی)

ھیئت وکیلہ انتخابہ دائر مقام ریاستک تذکرہ سی وار:
بیوک ملت مجلسی ہیئت عمومیہ سنہ

ھیئت وکیلہ دن استعفا ایدنلرک یرلرینہ بروجہ آتی
ارائہ ایدبان نامزدلر میانندن هر وکالت ایچون بررذاتک
انتخابی عرض و تکلیف ایدرم .

نور کیا

بیوک ملت مجلسی رئیس

مصطفیٰ کمال

عبدالقادر کالی بکک آنقرده بردیجهی مکتبی ...
(سعاد بک اوله جقدر صدالری)

عبدالقادر کالی بک (قسطمونی) — بو تکلیف
قسطمونی مبعوثی سعاد بکک اولماسون ؟

رئیس — خیر اقدم ! اوله یازلمش ... آنقرده
دیشی مکتبی کشادینه دائر تکلیفنگ صحیه وکالتنه
حواله سنه دائر لایحه انجمنی مضبطه سی وار : مناسبه صحیه
وکالتنه کوندره لم . (مناسبدر صدالری) صحیه وکالتنه
حواله ایدلمشدر .

عبدالقادر کالی بکک قانون جزانک ۲۳۰ نجی ماده سنه
دائر اولان تکلیفنگ شایان مذا کره اولدیغنه و عدلیه
انجمنه حواله سنه دائر لایحه انجمنی مضبطه سی وار : عدلیه
انجمنه حواله سی قبول ایدنلر لطفاً الارینی قالدیرسون .
(قبول ایدلمشدر)

علی شکری بکک .أمورین محاکمنه دائر اولان
تکلیفنگ شایان مذا کره اولدیغنه دائر لایحه انجمنی
مضبطه سی وار : فقط علی شکری بک بوراده یوقدر .
ظن ایدرم . کلدیکنده مذا کره ایدک اوزره تأخیر ایدم .
وهی افندی (قونیه) — لایحه انجمنه حواله اولنمش
لایحه انجمنی ده شایان قبول کورمه مش .

رئیس — وهی افندی حضر تتری اوله آما . . .
لایحه انجمنی رد ایتمشدر احتمالک مجاسه قارشی صاحب
تکلیف مدافعه ایده جکدر . (دوغری سسلری)
قیر شهر مبعوثی صادق بکک محکوم .أمورین حقنده کی
تکلیفنگ شایان مذا کرا اولما دیغنه دائر لایحه انجمنی
مضبطه سی وار . (اوقوندی)

مانع استخدا م اوله جق درجه ده محاکم عائدنه سنجه صورت
قطیه ده محکوم اولمش ایکن عفوہ اقتران ایدن و یا خود
مجازات محکوم لری اولما بده کی قانون موجبنه تأجیل
انفاذه تابع اولان .أمورینک خدمات دولته جواز
استخدا می لزومه دائر قیر شهر مبعوثی صادق بکک انجمنه
محول تکلیف قانونیسی مطالعه و تدقیق اولندی . تکلیف
مذکور احکام قانونیه ایله قابل توفیق اولدینی و خدمت

داخلیه وکالتی : عطا بک (نیکده) ، حیدر بک
(وان) .

مالیه وکالتی : حسن بک (طربزون) ، فرید بک
(چوروم) .

صحیه و معاونت اجتماعی وکالتی : رفیق بک (بایزید) ،
فکرت بک (قوزان) ، امین بک (بروسه)

اقتصاد وکالتی : جلال بک (صاروغان) ، عصمت
بک (چوروم) .

رئیس — اقدم ! اسملری برر برر اوقوبه جغز لطفاً
رایلری کیزی استعمال ایدیگز .

صالح افندی (ارضروم) — رئیس بک اصول حقنده
برشی عرض ایتمه مه مساعده بیوریر میسکمز ؟ بک افندیلر !
اسیاب استعقا نه ایدی ؟ ...

رئیس — اقدم ! بو اصوله دائر دکل .
صالح افندی (ارضروم) — اصوله دائر تکلیفنده

مسئولیت اساسلری تثبیت ایدلملی در . بناء علیه استعفا
ایدن بک افندیلرک اسملری یته موضوع بختدر . بیچون

استعفا ایدیور ، بیچون شمدی اسملری یازیور ، تورکیا
بوندن سوکره مسئوللرک حسابی آرامه جقمیدر ؟

رئیس — اصوله دائر سویله میورسکمز بک افندی !
منع ایدیورم .

صالح افندی — امر ایدر سه کز صالوندن ده
چیقارم .

رئیس — اصوله دائر دکلدر . سوزیکمز اقدم !
(استعمال رأی ایچون اسمی اوقونه رق رایلر طوبیلانندی)

مصطفی افندی (قره حصار شرقی) ، یونس نادى بک
(ازمیر) ، خلیل ابراهیم افندی (ازمیت) قرعه ایله تصنیف

آزایه .أمور ایدلدیلر .
سعد مبعوثی صبری افندی بک محکمه استینافیه بک

الغاسنه دائر تکلیفنگ شایان مذا کره اولدیغنه دائر لایحه
انجمنی مضبطه سی وار . لایحه انجمنی ؛ عدلیه انجمنه

حواله سی تکلیف ایدیور . عدلیه انجمنه حواله سی
قبول بیورنلر لطفاً آل قالدیرسون : (عدلیه انجمنه حواله

ایدلمشدر) .

دولتمه استخدام مانع در جهه محکوم و یا خود مجازات
محکومه لری مؤجل اولانلرک جواز استخدا ملری موافق
اوله میه جفی جهته انجمن مزجه شایان مذاکره کور ولیه رک
رد ایدلشدرد .

کاتب مضبطه محوری لایحه انجمنی رئیس
ارطغرل یوزفاد لازستان
نجیب سلیمان سری اسعد

رئیس - اقدم! سوز ایستین و ارمی ؟
مصطفی کمال بک (ارطغرل) - اقدم ! اولا

کندیلری ایضاحات ویرسونلر مقصدلری ندر ؟
رئیس - مضبطه بی قبول ایدنلر لطفاً الاری قالدیرسون:
(مضبطه قبول ایدلشدرد)

چوروم مبعوثی فریدبک ورفقاسنک آقره والی
اسبقی دو قنور رشید بک عائله سنه خدمات وطنیه تریمیندن
مماش تخصیصنه دائر بر تکلیف قانونیسی وار لایحه انجمنه
حواله ایدیوروز .

اقدم تصنیف آرا نتیجه به قدر بش دقیقه تنفس .



[Faint handwritten text, likely bleed-through from the reverse side of the page]

اوتوز آلتنجی اجتماع — ایکنجی جاسه

رئیس : رئیس نای دوقور عدنان بك افندی

کاتب : ضیا خورشید بك (لازستان)

۱۶ مایس - ۳۳۷ - پنجشنبه ۴ صوکره

رئیس — جلسه بی آچوروم. تصنیف آران تیجه سفی عرض ایدمه جکم افندم: رأیه اشتراك ایدنلرک مجموعی ایکیوز اون ایکی. ۴۴ ذات استکاف ایتمشدر شرعیه وکالته مصطفی فهمی افندی یوز قرق طقوز ، مدافعه مایه یه فوزی پاشا حضرتلری یوزلالی آلتی ، عدلیه وکالته رفیق شوکت بك یوزیکرمی ایکی ، مالیه وکالته حسن بك طربزون یوز قرق ایکی ، داخلیه وکالته عطا بك یوز قرق یدی ، اقتصاد وکالته جلال بك یوز قرق درت ، مسارف وکالته حمدها صبحی بك یوز اوتوز آلتی ، نافع وکالته عمر لطفی بك یوز قرق طقوز ، صحیبه و معاونت اجتماعیه وکالته دوقور رفیق بك یوزلالی ایکی رأی احراز ایتک صورتیله انتخاب ایدمشلردر . دیگر رأی آلانلر شرعیه وکالتی ایچون حاجی توفیق افندی (۳) وهی افندی (۴) شیخ زوت افندی (۱) مدافعه ملیه وکالتی ایچون رأفت پاشا (۳) کاظم قره بکر پاشا (۱) عدلیه وکالتی ایچون عبدالله عزمی افندی (۲۴) مالیه وکالتی ایچون فرید بك (۶) داخلیه وکالتی ایچون حیدر بك (۳) (الله موافق بیورسون صدالری)

حسب بك (مرعش) — رئیس بك ! بنده كزك پونتوس و مرزيفون مسئله سه متعلق ۱۴ مایسده ویرلمش بر تقریرم واردی او قونمادی

رئیس — صوکره بولور او قوروز .

افندم ! دیوان ریاستك مآذونیتنه متعلق بر تقریری رار او ارقونه جق .

هیئت عمومیه

آتیده اسملری محرر ذواته خذالرنده کوسترلدیکی مقدرده مآذونیت اعطاسی دیوان ریاستجه تنسیب ایدلمش اولمغله کیفیت هیئت عمومیه ك نظر تصویب نه عرض اولنور . بویو ملت مجامعی رئیس وکیلی حسن فهمی

حیدر بك (وان) — ایکی آی : قبول ایدنلر اللری

قالدیرسونلر : (قبول ایدلمشدر افندم)

فکره فائق افندی (کنج) — اوچ آی (عزیمت وعودت

خارج قبول ایدنلر اللری قالدیرسونلر : (قبول ایدلمشدر افندم)

عبدالغنی بك (موش) — اوچ آی : قبول ایدنلر

اللری قالدیرسونلر : (قبول ایدلمشدر افندم .)

مصطفی عاکف افندی (دیاربکر) — اوچ آی :

قبول ایدنلر اللری قالدیرسونلر : (قبول ایدلمشدر افندم)

ذکائی بك (آطنه) — اوچ آی : قبول بیورانلر اللری

قالدیرسونلر : (قبول ایدلمشدر افندم .)

جلال بك (طربزون) — اوچ آی : قبول بیورانلر

اللری قالدیرسونلر : (قبول ایدلمشدر افندم .)

رجائی بك (طربزون) — اوچ آی : قبول ایدنلر

اللری قالدیرسونلر : (قبول ایدلمشدر افندم .)

اسماعیل صفا بك (مرسین) — اوچ آی : قبول

بیورانلر اللری قالدیرسونلر : (قبول ایدلمشدر افندم .)

امین بك (رزنجان) — ایکی یچق آی : قبول بیو-

رانلر اللری قالدیرسونلر : (قبول ایدلمشدر افندم .)

حافظ محمد بك (طربزون) — اوچ آی : قبول بیو-

رانلر اللری قالدیرسونلر : (قبول ایدلمشدر افندم)

رئیس — افندم! مساعده بیوریلیرمی ؟ هیئت علیه-

كزك معلوم دولتیدر كه یکی مالیه وکیلی آرقداشمزی

انتخاب ایتدك ورونامه مذاکراتمزدده ك مهم مسئله بودجه در-

و بودجه ایله مشغول اولمق لازم کبیر. حالو كه کچنده اتخاذ بیوریلان

قراره و جنبه بودجه ؛ تکرار انجمنه کیدیورواو انجمنه

دیگر انجمنلردن ایکیشر آرقداش انتخابی ده تحت قراره

آلمشدر . بعض انجمنلر بو آرقداشلری انتخاب ایتمشلردر

رجا ایدره ز افندم ! دیگر انجمنلرده شهیدی آرقداشلری

انتخاب ایتسونلر . یکی مالیه وکیلی بك افندی ده انجمنه

تماس ایدره ك بودجه بی ؛ حضور عالیکزه کله جک برشکلده

احضار ایدره جکلر و هیئت جلیله کزه عرض ایدره جکلردر .

بونك وانجمنلرک مساعده چالشمسی ایچون ؛ رمضان شریف

مناسب بقیله ده ؛ جلسه بی ؛ کله جک جمعه ایرتمی کونی

یعنی رمضان شریفک یکرمنجی جمعه ایرتمی کونی اجتماع

ایتک اوزره تعطیل ایدیوروم .

۴،۱۰ صوکرده جلسه نهایت ویرلدی :

آقره : تورکیا بویوک ملت مجلسی مطبعه سی